



Број/Број: 03/1-50-1-9-11 с/07
Сарајево/Sarajevo, 27. 11. 2007. godine

- Članovima Zajedničke komisije za odbranu i sigurnost BiH

PREDMET: Informacija o posjeti članova Komisije za odbranu i sigurnost Parlamenta Slovačke Republike, veza akt broj: 03/1-05-453 /07

U periodu od 18. do 20. novembra 2007. godine članovi Komisije za odbranu i sigurnost Parlamenta Slovačke Republike, na poziv Zajedničke komisije za odbranu i sigurnost BiH, posjetili su Bosnu i Hercegovinu.

U sastavu slovačke delegacije bili su Rudolf Pučik, predsjednik Komisije, Jan Kovarčík, zamjenik predsjednika, Emil Vestenický, Viliam Jasan, Vladimír Matejíčka, članovi Komisije i Ludovít Fridrih, sekretar Komisije.

Sa delegacijom su tokom posjete boravili zamjenik ambasadora Marek Šafin, pukovnik Marko Pavel, vojni ataše Slovačke Republike u BiH i Dušan Zoler – Misija OEBS-a u BiH.

19. novembra održani su sastanci u Parlamentarnoj skupštini BiH.

Prvi sastanak održan je sa članovima Zajedničke komisije za odbranu i sigurnost BiH (u daljem tekstu: Zajednička komisija).

Zajedničku komisiju predstavljali su Šefik Džaferović, prvi zamjenik predsjedavajućeg, Jozo Križanović, član, Dragica Hinić-sekretar, Željko Grubešić-stručni savjetnik i Jovica Katić-stručni saradnik.

Tom prilikom Šefik Džaferović i Jozo Križanović informirali su goste o radu Zajedničke komisije. Nakon pozdravnih riječi i prezentacije rada, sa gostima iz Slovačke razgovarano je o reformi policije, ustavnim promjenama, reformi sektora odbrane i sigurnosti, aktuelnoj političkoj situaciji u BiH, mjerama Visokog predstavnika kao i nizu drugih pitanja karakterističnih za region i BiH. Sastanak je protekao u izuzetno dobroj i prijateljskoj atmosferi i uz jasno izraženu želju gostiju da pomognu BiH-i na njenom reformskom putu.

Po okončanju ovog sastanka gosti su imali sastanak sa članovima Zajedničke obavještajno-sigurnosne komisije za nadzor nad radom OBABiH, te sastanak sa Nikom Lozančićem, zamjenikom predsjedavajućeg Predstavničkog doma PSBiH.

Niko Lozančić pozdravio je goste iz Slovačke u ime Predstavničkog doma PSBiH. Upoznao ih je sa načinom rada oba doma PSBiH. Sa zadovoljstvom je konstatirao da su bilateralni odnosi dvije zemlje veoma dobri i da se u brojnim oblastima iz dana u dan unapređuju. Razmijenjena su

mišljenja o aktuelnoj političkoj situaciji u BiH, o reformi sektora odbrane i sigurnosti, o mjerama Visokog predstavnika kao i o mogućnostima daljeg unapređenja međuparlamentarne saradnje.

Istog dana gosti su imali sastanke i u Uredu Visokog predstavnika i specijalnog predstavnika EU, u Ministarstvu odbrane BiH, gdje su ih primili Marina Pendeš i načelnik Zajedničkog štaba OSBiH, general-pukovnik Sifet Podžić sa saradnicima, a potom i u Štabu NATO-a za BiH .

20. novembra goste iz Slovačke Republike u Glavnom uredu u Butmiru primio je direktor Granične policije sa saradnicima, a potom su posjetili i Komandu EUFOR-a u Butmiru.

Zamjenik predsjedavajućeg
Zajedničke komisije
Šefik Džaferović